



Broj: 02-40-1236-1/21
Sarajevo, 13.08.2021. godine

Na osnovu člana 6. stav (3) Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo („Službene novine Kantona Sarajevo”, br. 33/11, 3/12 - Ispravka, 37/13, 16/14, 6/17, 43/20 i 20/21), člana 6. Pravilnika o postupku po javnom pozivu za dodjelu novčanih sredstava neprofitnim organizacijama i udruženjima iz oblasti zaštite i spašavanja ljudi i materijalnih dobara od prirodnih i drugih nesreća, broj: 03-04-1024/21 od 22.06.2021. godine i tačke I Odluke o raspisivanju javnog poziva za finansiranje/sufinansiranje programa i projekata iz oblasti zaštite od požara iz Budžeta Kantonalne uprave civilne zaštite Kantona Sarajevo za 2021. godinu, broj: 02-40-1236/21 od 12.08.2021. godine, direktor Kantonalne uprave civilne zaštite Kantona Sarajevo raspisuje

JAVNI POZIV
za finansiranje/sufinansiranje programa i projekata iz oblasti zaštite od požara iz Budžeta
Kantonalne uprave civilne zaštite Kantona Sarajevo za 2021. godinu

I PREDMET JAVNOG POZIVA

Predmet Javnog poziva je dodjela novčanih sredstava neprofitnim organizacijama i udruženjima za finansiranje/sufinansiranje programa i projekata iz oblasti zaštite od požara iz Budžeta Kantonalne uprave civilne zaštite Kantona Sarajevo.

II PRAVO UČEŠĆA

Pravo učešća i pravo na dodjelu sredstava imaju neprofitne organizacije i udruženja koja nemaju stalni oblik finansiranja iz Budžeta Kantonalne uprave civilne zaštite Kantona Sarajevo, te koja za sredstva iz navedenog Budžeta apliciraju u svrhu finansiranja/sufinansiranja projekata iz oblasti zaštite od požara koji su od interesa za građane Kantona Sarajevo ili doprinose razvoju i afirmaciji Kantona Sarajevo, a koja ispunjavanju opće i posebne kriterije iz Javnog poziva.

III KRITERIJI I POTREBNA DOKUMENTACIJA

Opći kriteriji su definisani članom 4. stav (1) Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona



Sarajevo („Službene novine Kantona Sarajevo”, br. 33/11, 3/12 - Ispravka, 37/13, 16/14, 6/17, 43/20 i 20/21 – u daljem tekstu: Uredba), kako slijedi:

- registracija neprofitne organizacije ili udruženja na bilo kojem nivou vlasti u Bosni i Hercegovini;
- realizacija projekata neprofitne organizacije ili udruženja koji su od interesa za građane Kantona Sarajevo ili doprinose razvoju i afirmaciji Kantona Sarajevo;
- ekonomska ili društvena opravdanost projekta koji neprofitna organizacija ili udruženje predlaže i provodi;
- program rada za tekuću godinu sa obrazloženjem;
- finansijski plan za tekuću godinu;
- izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu);
- finansijski izvještaj o utrošku sredstava za projekte odobrene u prethodnoj godini;
- organiziranost i broj članova udruženja ili neprofitne organizacije;
- broj lica koja učestvuju u realizaciji projekta;
- specifičnost potreba članova neprofitne organizacije/udruženja, odnosno populacije koju zastupaju;
- rezultati i uspjesi na kantonalm, federalnom, državnom i međunarodnom nivou, odnosno broj korisnika obuhvaćenih projektom.

Posebni kriterij je izrada projekata koji se odnose na zaštitu od požara, u skladu sa članom 5. tačka k) podtačka 4) Uredbe.

Dokumentacija koja se treba dostaviti prilikom prijave je definisana članom 4. stav (3) Uredbe, kako slijedi:

1. Popunjeno obrazac za prijavu projekta za finansiranje/sufinansiranje iz Budžeta Kantona Sarajevo za 2021. godinu, potpisano od ovlaštenog lica i ovjeren pečatom neprofitne organizacije/udruženja (Aneks 1),
2. Rješenje o registraciji neprofitne organizacije/udruženja na bilo kojem nivou vlasti u Bosni i Hercegovini, izuzev neprofitnih organizacija i udruženja koja su registrovana na nivou Kantona Sarajevo, za koja uvjerenje/potvrdu iz Registra udruženja od Ministarstva pravde i uprave Kantona Sarajevo pribavlja po službenoj dužnosti Kantonalna uprava civilne zaštite Kantona Sarajevo;
3. Uvjerenje o poreskoj registraciji - identifikacioni broj,
4. Uvjerenje o izmirenim poreskim obavezama,
5. Uvjerenje o izmirenim porezima i doprinosima za zaposlenike (ukoliko ima zaposlenika),
6. Bilans stanja i bilans uspjeha ovjereni od strane nadležne poreske uprave za prethodnu godinu;



7. Izvještaj o utrošku sredstava za projekte odobrene u prethodnoj godini, potpisani od ovlaštenog lica i ovjeren pečatom neprofitne organizacije/udruženja.

Napomena:

Dokaz pod tačkom 1) se dostavlja u originalu i **ovjerava se potpisom i pečatom ovlaštenog lica neprofitne organizacije/udruženja**, a u dodatnim informacijama obrasca za prijavu projekta (Aneks 1) upisuju se podaci o broju žiro računa i banci na koju će se vršiti uplata sredstava. Prijava na Javni poziv se obavezno podnosi u formi popunjenoj prijavnog obrasca (Aneks 1), koji se može preuzeti sa web stranice Kantonalne uprave civilne zaštite Kantona Sarajevo. **Prijave koje ne budu podnesene u formi propisanog prijavnog obrasca smatrati će se neurednim i neće biti razmatrane.**

Dokazi pod tačkom 2), 3), 4), 5) i 6) se dostavljaju u originalu ili ovjerenoj kopiji, koja ne može biti starija od tri mjeseca od dana objave javnog poziva.

Dokaz pod tačkom 7) se dostavlja u originalu.

Podnositelj koji nema uposlenih i neizmirenih obaveza dostavlja ovjerenu izjavu kod nadležnog organa kojom potvrđuje da nema uposlenih i neizmirenih obaveza, koja ne može biti starija od dana objave javnog poziva.

Podnositelj koji je registrovan u prethodnoj godini i nije dobio sredstva za projekte, nije dužan da dostavi izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu) i finansijski izvještaj o utrošku sredstava za projekte odobrene u prethodnoj godini.

Ukoliko podnositelj dostavlja dokaze u ovjerenoj kopiji, ista mora biti ovjerena kod nadležnog organa (općina ili notar).

IV ROK ZA DOSTAVLJANJE PRIJAVA I NAČIN PODNOŠENJA PRIJAVA

Javni poziv ostaje otvoren osam dana od dana objavljivanja i isti je objavljen na web stranici Kantonalne uprave civilne zaštite Kantona Sarajevo <https://kucz.ks.gov.ba/> i u dnevnom listu „Dnevni avaz“ dana 16.08.2021. godine, a krajnji rok za dostavljanje prijava je 24.08.2021. godine.

Prijave sa dokumentacijom iz tačke III ovog Javnog poziva se podnose Kantonalnoj upravi civilne zaštite Kantona Sarajevo, neposredno na protokol Kantonalne uprave civilne zaštite Kantona Sarajevo svaki radni dan od 09:00 do 15:00 sati ili preporučenom poštom na adresu: Kantonalna uprava civilne zaštite Kantona Sarajevo, ul. Fehima ef. Čurčića br. 1., 71000 Sarajevo.

Prijave se podnose u zatvorenoj koverti sa naznakom „Prijava za javni poziv za finansiranje/sufinansiranje programa i projekata iz oblasti zaštite od požara iz Budžeta Kantonalne uprave civilne zaštite Kantona Sarajevo za 2021. godinu“. Na poleđini koverte obavezno je navesti: naziv podnosioca prijave, adresu i kontakt telefon podnosioca prijave.

Nepotpune, neuredne i neblagovremene prijave, neće se uzeti u razmatranje.



V IZBOR KORISNIKA I DODJELA SREDSTAVA

Direktor Kantonalne uprave civilne zaštite Kantona Sarajevo će posebnim rješenjem formirati komisiju za provođenje javnog poziva od tri člana.

Komisija će uzimajući u obzir ispunjenost utvrđenih kriterija javnog poziva, cijeniti opravdanost zahtjeva i kvalitet predloženog programa i projekta, izvršiti njihovu procjenu da li su isti od interesa za građane Kantona Sarajevo ili da li doprinose razvoju i afirmaciji Kantona Sarajevo u oblasti zaštite od požara i na osnovu toga sačiniti listu neprofitnih organizacija i udruženja koje ispunjavaju kriterije, sa prijedlogom pojedinačnih iznosa novčanih sredstava za dodjelu, sa obrazloženjem, te sačiniti listu onih neprofitnih organizacija i udruženja koje ne ispunjavaju kriterije, sa obrazloženjem, radi donošenja odluke o dodjeli sredstava neprofitnim organizacijama i udružnjima.

Neblagovremene zahtjeve Komisija neće uzeti u razmatranje i vratit će ih neotvorene uz dopis.

Nepotpune zahtjeve Komisija će odbaciti i o tome obavijestiti podnosioca.

V OSTALE INFORMACIJE

Podnositelj prijave snosi sve troškove u vezi sa pripremom i dostavljanjem njegove prijave po ovom Javnom pozivu.

Prijava i dostavljena dokumentacija po ovom Javnom pozivu ne vraća se podnosiocu prijave.



Dostavljeno:

- Na web stranicu KUCZ KS,
- Dnevni list „Dnevni avaz“
- a/a

